

gula singulis. Et hoc primo, nam inquam plurimis iuris Canonici partibus, & capitibus Sacri Concilii Tridentini, fit mētio simpliciter Ordinarij, & nihilominus certissimū est intelligendum fore de Ordinario loci nec vllus vnquam dubitauit, nec dubitare potest de hoc, quia in dubio Ordinarius loci est, qui aliquid facere debet, nō vero Ordinarius alterius loci. Solis enim Apostolis vniuersum terrarum Orbem ad prædicandum suum Euāgelium & salutiferis præceptis imbuendum Dominus Iesus tradidit, iuxta illud Marci ultimo. Euntes in vniuersum mundum, prædicare Euāgelium omni creature. Et Lucæ. 10. Missit discipulos suos binos à te faciem suam, in omnem ciuitatem, & locum quo erat ipse venturus. Et ad Apostolos, Ioannis 20. Accipite Spiritum Sanctum, quorum remiseritis peccata remissa erunt, & quorum retinueritis, retenta erūt: quilibet enim principatum habuit à Deo sibi decretum magnæ Prouincię vel Regni, vt refert Chassaneus in Cathalogo glorię mundi. 3. par. cōsideratione. 29. & 30. vbi Principatum & Prouinciā vniuscuiusq; commemorat. Nihilominus ex traditione Ecclesię habemus q̄ Apostoli post

passio